

■ GLOSSA

Jau. Kim Jong Un (27 u 28)

DA SILVIO CAMENISCH

Mes bab dieu è mort, tuttas dunnas bragian ch'el saja mort mort mort!, co fatsch jau quai? Il manader charezà da las armadas è naiv dad ier. Grond kino co che nus avain accumpagnà ier sia sontga icona gigantica, ses vaschè gigantic, mes pitschen bab dieu lient, jau suppon lient?, n'hai jau betg dastgà guardar, sin limusinas nairas giganticas a la sontga fossa, in mausoleum da famiglia gigantic. Jau, figl da bab, ves'ins quai?, hai dastgà ma tegnair vid il spievel dador da la limusina, daspera las massas or, davos mai l'aug quina. Hai jau grossatsch stuì dar chommas e suar, durant passa trais uras e cufia e pes bletschs. Hai jau pront survegnì mal la scuffa, mias metressas duain purtar in bun té chaud.

Jau hai duì, na, stuì salutar militaricamain mes bab dieu mort e las armadas. Mes aug quina ed auts militars m'han scutinà: Dà in segn anoravers, Kim Jong Un, che Ti ès il nov manader suprim, e veglias manar Tia Corea dal Nord en l'avegnir! Jau hai salutà, militaricamain cun tschera sco ina vischnanca brischa da. Grond kino anoravers. Bella tschera e surrir d'ami na sai jau betg, jau betg. Betg a las musas, er betg a las murusas studegiadas. Jau fiss il fauss um, schain Im Garten der Freund-



schaft. Là n'hai jau pers nagut. Betg mes terren. Jau n'hai betg in ami! Maindir amia. Jau na vom betg da pass lev tras las academias militaras, litteraturas ed amicizias. Il bler sun jau a mamez enta pes.

Las medias sanestras colporteschas che jau duessia avair studegià semesters en Svizra, cun fauss num, poss jau betg ma regurdar. Prendì che jau haja, er egal, hai jau studegià concordanza, co che jau fatschia contracts unilaterals, einseitige Verträge, cun il pievel tgutgira. Fatsch jau er, voss dieu bab ha er, pertge duess jau betg er! Jau sun bain elegì, auserkoren, da manar nossa Corea dal Nord en l'avegnir. Va quai lunsch, en l'avegnir, aug quina? Fin là na less jau betg vegnir! Jau ma bit demonstrativ giun plaun, fatsch il chaubotsch. Jau sai er auter.

Jussas, han las massas da dunnas bragi e bragi da fender la crappa! Las schuldadas èn sa messas en

ritscha a bragir, demonstrativ, pli u main cun smatg sin il buttun. Jau hai salutà militaricamain, senza mussar emoziuns. Fatsch jau en mia chombra serrada. Là spond jau chaudas larmas en bratscha e schon era ravugls a e da mes persunal da tgira. En Svizra schais bain Pflegefachfrauen, hai jau emprendì, sun er losch da mai. Umens han er emoziuns, umens han er disposiziuns, umens san er bragir! Il dretg lieu, il dretg temp, la dretga persuna: bibliotecara e musicista (cello) en il curtin da l'amicizia. Betg mes terren. Mes bab dieu, el è bain mort?, dess a mai lusic ma brattar or cun quella en quella e tras quella!

Jau sun uschè pers senza mes bap bazegner e Nossegner beà, balsamà, sutterrà! Jau ves ses enorm relasch da plets e scrits/Reden und Schriften. Ha la gruppa d'editurs quella giada, da critica gugent puspè in'otra giada, vis tge relasch? Jau, il figl, na sai betg tge entschaiver cun tant. Poss jau er surlaschar als experts da litterenzas e scienzaturas, per edir ina monografia durabla, gist! per l'eternitad? Super. Jau salutesch puspè ina giada, academicamain, quai sai jau, leger robas spiertalas na sai jau betg, jau betg. Puspè betg mes terren. Salutar hai jau schon intus, è er ì spert. Ils vischins dal sid dastgassan esser avertids. Jau na surrì betg.